

# GJALDSKRÁ

## Vatnsveitu Borgarness.

Gjaldskrá Vatnsveitu Borgarness er miðuð við lög nr. 81/1991 (ásamt breytingum á lögum nr. 81/1991 gerðar í desember 1995 og nóvember 2000) og reglugerð fyrir vatnsveitur sveitarfélaga nr. 421/1992. Gjaldskráin tekur gildi 1. janúar 2001.

### 1. gr.

Vatnsgjald er 0,17 hundraðshlutar af fasteignamati fyrir íbúðarhúsnæði en 0,29 hundraðshlutar af fasteignamati fyrir annað húsnæði.

### 2. gr.

Aukavatnsskattur skal vera 8,90 krónur fyrir neysluvatn en 6,50 krónur fyrir giljavatn á hvern mældan eða áætlaðan rúmmetra vatns.

### 3. gr.

Leigugjald vatnsmæla, samanber 11. gr. ofangreindrar reglugerðar, fer eftir sverleika heimæðar. Árleg leiga fyrir mæli skal vera um 20% af kostnaðarverði mælisins. Vatnsnotandi skal greiða kostnað við uppsetningu á mæli samkvæmt reikningi. Leigugjald skal greiða árlega og vera sem hér segir:

Heimæð	kr.
32 mm og minni :	1.900
40 mm:	2.800
50 mm:	3.700
63 mm:	4.400
75 mm:	14.000
90 mm:	16.000
110 mm:	19.000

### 4. gr.

Heimæðargjald skal taka mið af gerð stærð og lengd heimæðar samkvæmt breytingum á lögum 81/1991 gerðum í desember 1995. Miðað er við að ídráttarrör hafi verið lagt á frostfríu dýpi frá lóðarmörkum að inntaksstað mannvirkisins og frágangur hafi verið samþykktur af tæknideild Borgarbyggðar.

<i>Þvermál inntaks mm:</i>	32	40	50	63	75	90
<i>Fastagjald kr:</i>	45.000	60.000	75.000	90.000	105.000	120.000
<i>Gjald per metra kr:</i>	500	600	700	800	900	1.000

Heimæðargjald fyrir inntök stærri en 90 mm verður reiknað sérstaklega af tæknideild Borgarbyggðar.

### *Aukakostnaður:*

Vanti ídráttarrör eða að ídráttarrör reynist ónothæft greiðist 2.500 kr./m vegna skurðgraftar og ídráttarrörs.

## 5. gr.

Liðir undir greinum 2, 3 og 4 skulu hækka í takt við byggingarvísitölu um hver áramót. Miða skal við byggingarvísitölu 1. janúar 1997 en hún var 218 stig.

*Borgarnesi, 15. desember 2000.*

**Stefán Kalmansson** bæjarstjóri.

## GJALDSKRÁ

### um gatnagerðargjald í Akraneskaupstað.

## 1. gr.

*Almenn heimild. Innifalið í gatnagerðargjaldi.*

Af öllum nýbyggingum svo og stækkunum eldri húsa, sem eru á eignar- eða leigulöð í Akraneskaupstað, skal greiða gatnagerðargjald til bæjarsjóðs samkvæmt gjaldskrá þessari, sbr. heimild í lögum um gatnagerðargjald nr. 17/1996 og reglugerð um gatnagerðargjald nr. 543/1996.

Innifalið í gatnagerðargjaldi er gatnagerð, svo sem undirbygging gatna, tilheyrandi lagningar, vegna lagningar bundins slitlags, gangstéttir, umferðareyjur og þess háttar, sem gert er ráð fyrir í skipulagi.

## 2. gr.

*Gatnagerðargjald.*

Af hverjum rúmmetra húss greiðist ákveðinn hundraðshluti byggingakostnaðar pr. rúmmetra, eins og hann er á hverjum tíma í vísitöluhúsi fjölbýlis, eins og hann er hverju sinni samkvæmt útreikningum Hagstofu Íslands á grundvelli laga nr. 42/1987. Hundraðshluti byggingakostnaðar ákvarðast eftir hústegund svo sem hér segir:

Einbýlishús	8,0%
Rað- og fjöleignarhús	6,0%
Fjöleignarhús (6 íbúðir eða fleiri)	2,5%
Atvinnuhúsnæði og annað húsnæði	5,5%

Rúmmál byggingar skal reikna eftir ÍST 50 og miða við brúttóstærðir þ.m.t. bílgeymslur og önnur útihús.

Af endurbyggingu þaka íbúðarhúsa, án aukningar á nýtingu skal ekki greiða gatnagerðargjald.

Af gluggalausum kjallararými íbúðarhúsa, sem myndast þegar hagkvæmara er að grafa út grunn en fylla hann upp, skal greiða 25% af venjulegu rúmmetragejaldi, enda sé aðeins gengt í það rými innan frá.

Af bílgeymslum sem byggðar eru samkvæmt skipulagsskilmálum skal greiða 50% af rúmmetragejaldi.

Í iðnaðarhúsnæði sem vegna starfsemi sinnar þarf meira en 3,3 metra lofthæð skal hámarkslofthæð að jafnaði reiknast 3,3 metrar við útreikning rúmmetragejalds.

Gjald skal miða við stærð húss samkvæmt samþykktum uppdráttum og ÍST 50.

Útreikningur gjalda miðast við notkun samkvæmt ofangreindum flokkum. Verði notkun húsnæðis breytt þannig að það flytjist yfir í hærri gjaldflokk skal endurreikna gjaldið miðað við nýjan flokk að frádregnu eldra gjaldi.